

吳越
七
十二

十國
替
繩
十二

十國春秋卷第八十三

仁和吳任臣志伊氏撰

鄴城牛父與潛子氏閻

昭文周昂少霞

重刊校

吳越七

列傳

趙國太元太夫人水邱氏

武肅王莊穆夫人吳氏

昭懿夫人陳氏

文穆王恭穆夫人馬氏

恭懿夫人吳氏

仁惠夫人許氏

忠獻王夫人杜氏

元妃仰氏

忠懿王妃孫氏

附俞氏黃氏

趙國太夫人水邱氏武肅王母也先是英顯王娶於母族故兩世皆爲河南水邱氏以武肅王貴初封河南太君進封吳興郡太夫人再封秦國太夫人王事母至孝常遊後庭層樓太夫人春秋高不能上王親負而登焉天復元年九月薨葬於錦南鄉武肅王命吳仁璧作志銘不從殺之事具仁璧傳天寶初梁追封趙國太元太夫人

莊穆夫人吳氏安國縣人也父仲忻浙西觀察判官累

贈吏部尚書初武肅王議昏仲忻家咸以王豁達大度
不事產業將不許而夫人世父負知人之鑒固趣成焉
及歸室閨門整肅孝敬盡禮武肅王性嚴急常怡顏以
諫之撫愛諸子有如一體歷封燕晉二國至吳越國正
德夫人夫人常遊奉國寺王命載帛百縑以備散施夫
人曰妾備嘗機杼之勞遽以遊賞靡費非恤民之道遂
不受而罷夫人每歲春必歸衣錦軍以爲恆武肅王語
之日陌上花開可緩歸時人用其語以爲歌曲至今傳
之天寶十二年薨年六十二諡曰莊穆有子十三人又
錦南鄉慈智寺西有梁國夫人墳扶風夫人墳韋夫人

墳或云皆武肅王夫人也其名號不具見史冊始爲闕

疑云

按文苑英華載莊穆進封晉國制錢珣筆也今不錄

曰莊穆王十三夫人

昭懿夫人陳氏文穆王母也清泰初薨贈晉國太夫人

諡曰昭懿文穆王性極孝尊禮母黨厚加賜與而未常

遷官授以重任故陳姓無有以功名顯者

晉書卷八十三

恭穆夫人馬氏安國縣人父綽雄武軍節度使綽初以

舊恩娶武肅王女弟未幾武肅王復爲文穆王娶綽女

是爲夫人夫人性聰慧勤於職武肅王常禁中外畜聲

伎而文穆王年逾三十無子夫人爲之請武肅王喜曰

我家宗祀幸汝得主之矣乃聽文穆王納諸姬鄜氏生

宏傳宏侔許氏生宏佐吳氏生宏俶衆妾生宏偲宏億
宏偃宏仰宏信既長夫人皆均養之常置銀鹿於帳前
坐羣兒於上而弄之喜動顏色初封越國加封吳越國
莊睦夫人天福四年薨年五十敕諡曰恭穆葬於衣錦
軍之慶僊鄉良山村

恭懿夫人吳氏名漢月錢塘人父珂官中直指揮使幼
以婉淑侍文穆王忠懿王蓋其所出也恭穆夫人絕憐
愛之夫人善鼓琴性慈惠而節儉頗尚黃老學居常被
道士服惟布練而已每聞王決重刑必輦蹙以仁恕爲
言母家或有遷授多峻阻之及入見時加訓勵間以督

責故諸吳終夫人之世不甚驕恣乾祐二年十一月封

吳越國順德太夫人

五代會要曰封贈之制婦人有國邑之號死有諡近梁朝賜張全義

妻儲氏爲賢懿夫人又改莊惠蓋當時特恩也廣順二

年六月薨年四十諡曰恭懿

五代會要云追封故順德太夫人吳氏爲恭懿夫人

今從吳越備史註以恭懿爲諡

是秋敕葬於慈雲嶺西原明年忠懿王

建報恩元教寺以資冥福已又鑄銅象二致奉國金地

二尼寺志孝思焉寧國節度使吳延福太夫人弟也建

隆初延福兄弟五人有異圖左右勸王誅之王曰先夫

人同氣安忍寘於法言訖嗚咽流涕但黜延福等於外

而不加刑

按西湖志吳延爽請東陽善導和尚舍利建塔於山顛附以佛廬開寶初賜額曰崇壽院

又武林梵志云吳越相吳延爽開寶中建崇壽院
內有九級浮圖名應天塔延爽疑卽延福諸弟也

仁惠夫人許氏名新月台州人也雅善音律文穆王後
庭樂部悉命夫人掌焉初魯國夫人生孝獻世子侍御
咸尊禮之有女僧契雲者司香火於麗春院素名能知
人至是謂夫人口彼鄜夫人遠不能及也夫人宜自愛
文穆王襲位敕封吳越國夫人開運二年薨年四十四
諡曰仁惠

忠獻王夫人杜氏內牙都監使杜昭達之姑也未幾以
病薨

元妃仰氏湖州人父仁詮以牙將事文穆王有功積官

至寧國軍節度使天福八年冬忠獻王納爲元妃未幾

薨葬於國城外之小麥嶺

武林舊事仰妃墓在小麥嶺下

忠懿王妃孫氏名太真錢塘人泰寧節度使承祐之姊

也端重敏慧延接姻親及宗屬皆曲盡恩禮好學讀書

通毛詩魯論大義少事忠懿王甚謹一以儉約爲訓非

宴會未嘗爲盛飾忠懿王征常州妃居國城內時時遣

內侍撫問諸將及從征將帥之家國人稟畏如奉王旨

漢制拜夫人周敕封吳越國賢德夫人宋開寶五年進

封賢德順睦夫人九年王與妃及世子惟濬入覲加封

吳越國王妃令惟濬資詔賜之宰相言異姓無封妃故

事太祖曰行自我朝表特恩也王獻金幣以謝未幾妃
辭謝中宮錫金器衣著無筭是歲歸國薨葬石人嶺下
明年宋遣程羽來歸王妃之賵諡曰

妃常以一物

施龍興寺形如朽木箸寺僧未之珍也偶出示船上波
斯人曰此日本龍蓋簪遽以萬二千緡易去又有俞氏
失其家世封號忠懿王之繼妃也宋太宗時進金銀十
餘萬犀二十株通犀獬犀玉帶三十二條水晶佛像十
二事其貢獻頗不貲云復有黃妃者常於南屏山雷峯
顯嚴院建塔奉藏佛螺髻髮始以百丈十三層爲率尋
以財力未充姑建七級已又用形家言止存五級名黃

妃塔

淨慈志作黃妃塔或作王妃塔誤

後以地產黃皮木遂謫為黃皮

塔俗稱雷峯塔焉塔高四十許

飛甍懸鈴種種嚴飾建塔時以石刻華嚴經鱗甃其下

惜法絕類歐陽率更忠懿王有建塔記

吳越國王錢俶建黃妃塔碑記

曰微天修德人所當行之矧俶忝嗣丕圖承平茲久雖未致全盛可不體祖宗師仰瞿曇氏慈忍力所沾溉那凡於萬幾之暇口不輟誦釋氏之書手不停披釋氏之典者蓋有深旨焉諸官監尊禮佛螺髻髮猶佛生在不取私秘宮禁中恭率瑤貝創率堵波於西湖之濱以奉安之規樞宏麗極所未見極所未聞官監宏願之始以千尺十三層為率爰以事力未充姑從七級梯吳初志未滿為嫌計輒灰土木油錢瓦石與夫工藝像設金碧之嚴通緡錢六百萬視會稽之應天塔所謂許元度者出沒人間凡三世然後圓滿願心宮監等合力於彈指頃幻出瑤坊信多寶如來分身應現使之然耳願元度有所不逮塔成之日又鑄華嚴諸經圍繞八面真

不思議劫數大精進幢於是合十指爪以贊歎之
塔曰黃妃云吳越國王俶拜手謹書於經之尾

武肅王弟鏐

鐸

楚國公鐸

從弟鎰

錄

鏐武肅王同父弟也少驍勇善戰天祐初淮南將陶雅
攻婺州命鏐將兵往救無功天寶中吳兵攻蘇州鏐以
杜建徽往援圍得解已而高澧叛湖州鏐以指揮使稟
王命討澧明年武肅王巡湖州署鏐爲刺史鏐嗜酒殺
人懼王之督已也遂以四年冬殺都監潘長推官鍾德
奔吳吳武義初以爲右龍武統軍終於其職方鏐出奔
時有子二人長者生五年矣次者未周晬武肅王憐之

養於官令與諸子同研席名其長曰可、團、次日可、圓、冀其父得歸聚云

鐸亦武肅王同父弟累官睦州刺史領安南軍節度使同平章事

鐸字輔軒英顯王有五子長武肅王次錡次鏐次鐸次

卽鐸也生而有文在手曰王及長漸滅旣生而英顯王

卽世武肅王多方鞠育及武肅王薨鐸請服通喪以報

之性多藝善繪畫

圖繪寶鑑云錢鐸善丹青

尤精音律承制累授溫

明二州刺史檢校太尉奏遷恩州防禦使文穆王時除

兩浙行軍司馬拜命之日儀注特甚尋奏改本州團練

使順化軍節度使封楚國公開運二年卒年五十五諡

曰忠簡

鎰武肅王從父弟也積功爲龍武統軍田頎叛楊氏武肅王命鎰屯宣州以待變及陳詢叛睦州吳遣陶雅入寇而鎰與顧全武王球實在行間遂爲吳人所鹵未幾我軍獲吳將李濤天寶十四年吳乃遣鎰以易濤鎰歸署爲鎮海軍節度副使

錄武肅王從弟也龍紀時淮南六合鎮遏使徐約已得蘇州武肅王命錄將兵攻之約驅民盡墨鑊其形曰願戰南都從事已而勢寢窘遂與其下泣別入海死錄由

是拔蘇州未幾州復陷王又遣師平之久之授錄蘇州

招緝使

備史作安撫使

頗以戰功稱又衢州刺史鋸睦州刺史

鎮亦武肅王從弟其名時時見於史籍焉

武肅王子寧國公元璣

雲國公傳璣

金華郡王元懿

廣陵郡王元璩

子文奉文炳

餘姚侯傳璿

子仁俊

大彭侯傳球

扶南侯元球淮陰侯元珣

新安侯傳璜

壽國公傳璟

吳興侯元琳

寧明王元瓚

元弼

元璣武肅王第二子也母慶安夫人胡氏元璣性氣寬
厚沉靜寡言多尚儒釋不喜奢侈遍歷中外所在黎庶
安之累官寧國軍節度使同平章事檢校太傅封宛陵
侯晉封寧國公長興四年十二月卒元璣早喪妻終不
繼娶無嗣

傳瑛武肅王第三子

一口長子

母莊穆夫人吳氏原名傳錯

未幾易錯爲瑛天性英敏頗敦儒學聚書數千卷善騎
射工草隸徐許之叛與三城都指揮使閉門拒寇有功
時城中有錦工三百餘人皆潤人也傳瑛慮其爲變乃
詐傳王令百工悉免今日工作遂發懸門放之出王聞

其事嘉之尋授兩浙副大使天祐四年九月九日唐哀
帝以壽昌公主選王子錢傳瑛爲駙馬詔敕吳越國王
朕念尊敬元老禮無出於父師崇樹華姻事莫先於婚
媾故金章貴族方膺下嫁之榮齊家大邦始稱和鳴之
兆恭惟先帝與卿素同盟約誓掃寇讎遠裨締構之功
終集興隆之運雖崇資厚祿酬勳已極於當時而懿戚
周親結分思聯於奕世尋期愛女欲配高門三邊未息
於戎機百兩遂稽於宿諾今朕祗膺天眷獲嗣皇圖念
三年無改之規思二姓好逑之重願遵先旨特舉令儀
況傳瑛驪頷奇光鳳毛異彩不俟折筭之訓已當壓鈕